

19. januar 2010

Inatsisartut Suleriaasianni § 36, imm. 1 naapertorlugu Naalakkersuisunut apeqqut imaattoq matumuuna saqqummiuppara:

- 1. Nunatsinni aatsitassarsiorfissatut pilersaarutaasut, oliesiorfissatut misissuiffigineqartussani kiisalu Maniitsup eqqaani aluminiumiliorfissatut pilersaarutigineqartumut atatillugu misissueqqaarnerni misissueqqinnissanilu ilisimalikkat ilisimasallu pillugit nalunaarsukkanik pigisaqalernerni pineqartunik piginnittussaataaernermi aammalu tiggumminnittussaataaernerne (opbevaring af data registrering) pillugit Naalakkersuisut Danskis naalagaaffianik nunanilu allaneersunik suliniutinut tunggasuni isumaqatigiinniartarnerni suleriaatsit qanoq ittut aallaavigalugit suleriuseqartoqarpa?**
- 2. Qanoq siuliani taaneqartuni angusaqarfiuppat?**
- 3. Kiisalu sulinerni nunarput sinnerlugu maannamut ilisimalikkat pillugit suut periuserineqarpat?**

(Inatsisartuni ilaasortaq Akitsinnguaq Olsen, Siumut)

Suliniutini ingerlanneqartuni kiisalu siunissami qaninnermi ungasinnerusumilu nunatsinni aatsitassarsiornikkut kiisalu suliffeqarfiit ingerlanneqalernissaanik misissueqqaarnerit misissueqqissaarinerillu ingerlanneqartunut atatillugu ilisimalikkat pillugit suleriaatsit maanna suut atorneqarnersut innuttaasunit sullissisunillu ilisimaneqartariaqarput, ilaatigummi innuttaasut akileraarutaat atorlugit toqqaannartumik toqqaannangikkaluamilluunniit inuiaqatigiinnit akilersorneqartut pinngitsoorani innuttaasut pigiligassaattut takussutissaqartariaqarmata siuliani apeqquteqaatit pineqartut Naalakkersuisunut akisassanngorlugit ingerlateqqippakka.

Suleriaatsimi allassimasut aallaavigalugit ullut suliffiusut qulit ingerlanerani akissuteqartoqarnissaa kissaatigaara.